

宋

會

要

全唐文

宋會要

朝儀班序

徐轉大典  
無卷數

太祖建隆三年三月十八日詔翰林學士班位宜在諸行侍郎之下如官至丞郎即在常侍之上至尚書者依本班故事翰林學士侍從親密不列外朝每五日起居班於宰相之後會宴即座一品之前合班在尚書之上至丞郎穀欲自尊大以軋著等乃因事白太祖故有是詔二十三日有司上合班儀太師太傅太保太尉司徒司空太子太師太子太傅太子太保嗣王郡王左右僕射太子少師少傅少保三京牧大都督大都護御史

大夫六尚書常侍門下中書侍郎太子賓客太常宗正  
卿御史中丞左右諫議大夫給事中中書舍人左右丞  
諸行侍郎秘書監光祿衛尉太僕大理鴻臚司農太府  
卿國子祭酒殿中少府將作監前任節度使開封河南  
太原尹太子詹事諸王傅司天監五府尹國公郡公中  
都督上都護下都督太子左右庶子五大都督府長史  
中都護下都護太常宗正少卿秘書少監光祿等七寺  
少卿司業三少監三少尹少詹事左右諭德家令率更  
令僕諸王府長史司馬司天少監起居舍人侍御史殿  
中侍御史左右補闕拾遺監察御史郎中員外郎太常  
博士五府少尹五大都督府司馬通事舍人國子博士

五經博士都水使者四赤令太常宗正秘書丞著作郎  
殿中丞尚食尚藥尚舍尚乘尚輦奉御大理正太子中  
允贊善中舍洗馬諸王友諮議參軍司天五官正凡雜  
座者以此為準詔曰尚書中臺萬事之本而班位率次  
兩省官節度使出總方面古諸侯也又其檢校兼守官  
多至師傅三公而位居九寺卿監之下甚無謂也其給  
事諫議舍人宜降於六曹侍郎之下補闕次郎中拾遺  
監察次員外郎節度使升於六曹侍郎之上中書侍郎  
之下餘悉如故 乾德元年閏十二月二十九日詔自  
今一品致仕官曾帶平章事者朝會宜綏中書門下班  
先是太師太師致仕侯益等來陪郊祀太祖優待之禮

與丞相等乃降是詔二年二月一日詔重定內外官儀  
制有司請令上將軍在中書侍郎之下大將軍在少卿  
監之下諸衛率副率在東宮五品之下內客省使視大  
卿客省使視大監引進使視庶子判四方館事視少卿  
閣門使視少監諸司使視郎中客省引進閣門副使視  
員外郎諸司副使視太常博士通事舍人從本品供奉  
官視諸衛率殿直視副率樞密承旨視四品朝官兼南  
班官諸司使者從本品副承旨視寺丞監諸房副承旨  
視南省都事凡視朝官者本品下視京官者在其上四  
月十四日置參知政事班在宰相之後五年正月一  
日詔升節度使班在龍墀內金吾將軍之上故事諸道

節度使不帶使相者皆位在卿監下至是特命升之  
開寶六年九月二十一日詔曰周之宗盟異姓為後此  
先王所以睦九族而和萬邦也晉王親賢莫二位望俱  
崇方資夾輔之功俾先三事之列宜位宰相上 九年  
十一月五日詔齊王廷美武功郡王德昭位在宰相上  
太宗太平興國五年正月十五日以禮部侍郎程羽  
為文明殿學士立樞密副使之下 後唐置端明殿學  
士二員序立在翰林學士之上累朝因而不改國初在  
樞密副使之上至是因殿名改為文明而移班在下  
六年九月十八日皇弟秦王廷美乞序班在宰相趙普  
之下詔從之 八年十一月三日詔曰並建子弟以蓄

屏王室申命相輔以羽翼公朝藩邸之任雖崇鈞臺之寄尤重聿分內外須正等威自今宰臣立位宜在親王之上宋琪等頓首言宰衡之任止曰台司盤維之封實永天緒漢法丞相在諸侯王之下唐制元子非百執事之例典故昭晰載在策書伏望聖慈俯遵前軌帝不允琪等叩頭固請久之帝曰宰相之任實總百揆與群官禮絕藩邸之設奉朝請而已元佐等尚幼欲其知謙損益之道卿等勿辭琪等拜舞稱謝雍熙三年十月九日陳王元僖為開封尹宰臣李昉上表乞立元僖之下詔答不允帝謂昉曰宰臣班位不用改易亦不要上表固辭淳化元年三月九日中書門下上言乞序立於

原本  
寫稿

親王之下詔答不允。二年八月有司上重定合班儀  
詔升尚書令於三司之上合班儀舊無此官時將盡正  
伏圖欲備官故也。四年二月十日詔置昭宣使在皇  
城使之上。六月詔金吾左右衛上將軍在尚書下六  
統軍諸衛上將軍在中書侍郎下節度使在常侍之上  
觀察使在秘書監之上防禦團練使在庶子之下刺史  
在太子僕之下昭宣使視品同閭門使內殿崇班及閭  
門祇候視贊善太夫侍禁視副率殿直視著作佐郎奉  
職借職在幕職官上樞密承旨視少卿監副承旨視洗  
馬餘如舊制有帶南班官及領郡者從品高序俄又升  
金吾上將軍於節度使之上引進使於防禦使之上閭

門使於諸衛將軍之上諸衛率副率樞密副承旨並在  
洗馬之上供奉官在諸衛率之下侍禁在副率之下  
五年六月二十二日詔曰翰林樞密直學士職添內禁  
禮絕外司况品秩以既殊在等威而宜峻頃有改易深  
未便安宜申明於舊章用遵行於故事自今序立班位  
宜依舊在丞郎之上自陶穀改易舊制至是因翰林  
學士張洎禮部侍郎宋白同修國史班次未定乃詔復  
舊制八月十三日詔宣政使在昭宣使之上九月  
二十六日以左諫議大夫寇準參知政事翌日參知政  
事呂端自右諫議大夫改左諫議大夫詔序位準上  
至道元年正月二十日以禮部郎中集賢殿修撰王旦

知制誥仍令復班在知制誥之首旦淳化初知制誥以  
妻父趙昌言參政引唐獨孤郁權德與故事請解職帝  
重其識體換集賢殿修撰至是昌言出知鳳翔即日復  
旦舊職故優之二年十二月十九日以工部郎中直  
集賢院胡旦知制誥詔序位馮起之上故事知制誥以  
先入者居上不繫官次至是馮起任祠部郎中故命旦  
居上非常例也三年正月十一日詔升參知政事班  
在宣徽使之上時命兵部侍郎溫仲舒戶部侍郎王化  
基並為參知政事詔令依官位序立仲舒化基位宣徽  
使知樞密院趙鎔之上七月詔節度觀察留後在給  
事中之上八月七日以客省使簽書提點宣徽樞密

院諸房公事富州刺史周瑩為宣徽北院使瑩請位樞密副使之下從之先是宣徽使位在樞密副使之上自是遂以為例 真宗咸平元年十月十七日宰臣張齊賢李沆表請序位諸王之下詔以先朝定制不許 五年三月七日命右諫議大夫宋太初權管勾御史臺事本臺言右諫議大夫王化基先擢中丞正衙常參立中丞擇位內殿起居日立本官班令太初權臺事望定班制詔如化基例時中丞趙昌言知雜御史范正辭以勘任懿納賂洪湛登第事不實被劾故也 九月一日刑部侍郎權知開封冠準言閣門傳旨內殿常朝令臣立位在陳恕之上緣恕見任吏部侍郎兼五日百官起居

合依官序立望且仍舊從之

六年十一月翰林學士

梁瀨等言詳定閣門儀制內三司副使舊制崇德殿起

居每從行幸坐知制誥後餘朝會合班朝服比品素無  
定例昨承天節齋設依例坐知制誥後郎中前今請朝  
服比品同少卿監班位在上官至給諫卿監者自依本  
品朝會大宴隨判使赴長春殿起居引駕侍立詔惟不  
令侍立其朝會引駕至前殿日與諸司使同退餘依

景德元年八月十二日太常禮院言奉明德皇太后謚  
冊告廟親王百官並赴立班詔其日親王不赴時無宰  
相帝顧叅知政事畢士安曰卿總率百僚若親王立班  
與卿位序非便遂令不赴及告廟日士安已相乃令親

王復赴

十月二十四日詔起復右司諫知制誥晁迥

序班仍舊廻時丁內艱起復有司言故事合緩本班之

未特有是命二十五日宴近臣於崇德殿升光祿卿

權知開封府陳省華於兩省五品之南別設位舊制卿

監座於東廂不升殿特命之二年四月二十七日詔

置資政殿學士位翰林學士之下侍讀學士之上五月

月十日詔右諫議大夫權三司使公事丁謂每內殿起

居位知制誥上十二月十日詔置資政殿大學士位

文明殿學士之下翰林學士承旨之上十三日詔駙

馬都尉柴宗慶王貽永同於內殿別班起居二十九

日閭門言殿前指揮使節度使劉謙以下自來班位在

不管軍節度使之下未有定制詔仍舊例 三年二月  
二十六日以刑部侍郎叅知政事馮拯進兵部如故資  
政殿大學士兵部侍郎王欽若進尚書左丞刑部侍郎  
簽書樞密院事陳堯叟進兵部並知樞密院事翰林學  
士工部員外郎趙安仁進右諫議大夫叅知政事樞密  
都承旨四方館使韓崇訓東上閭門使馬知節進檢校  
太傅太保並簽書樞密院事詔序班以欽若拯堯叟安  
仁崇訓知節為次 四年正月十四日詔皇姪武信軍  
節度使惟吉立班宜在鎮安軍節度使石保吉之上惟  
吉保吉俱帶平章事而惟吉宗室保吉先拜帝令史官  
檢討故事準唐武德中詔宗室宜在同品官之上故從

之 八月二十六日命龍圖閣待制杜鎬為右諫議大夫

充直學士令赴內殿起居位樞密直學士之下仍少退時中書議班位將令就諫議大夫班帝以謂直學士

在龍圖閣故與三館直學士不同特有此命 二十八日詔龍圖閣待制位知制誥之下遇行幸宴會直館之

上 二十九日詔翰林侍講學士工部尚書邢昺位翰

林學士之上用尚書班列也 九月四日大宴含光殿

升交州進奉副使安南掌書記殿中丞黃成雅位於尚

書省五品之次時樞密院定成雅為進奉使峯州刺史

黎明昶悉座本班帝以成雅班品稍遠俾遷之且訪其

禮於輔臣王旦曰昔子產朝周王饗以上卿之禮子產

固辭受下卿之禮而還國家患綏遠方升其班序亦無嫌也  
十六日詔令閣門每起居日移宰相班於儀石之北以群臣序位迫隘故也

十二月十二日御史臺

言內殿起居非時慶賀舊例兩省官並序御史中丞一行立班除依班圖內有御史大夫散騎常侍御史中丞後面別為頭立班見今無大夫常侍每朝會中丞合與兩省一行立班詔自今每朝會並依入閣圖儀制排定

大中祥符元年正月二十八日有司上酺宴班位圖皇姪孫內殿崇班守節與皇姪右衛將軍惟叙同為一班帝曰族子諸父安可同列乃令重行設位

七月詔

自今慶賀朝會皇姪皇孫止於內殿立班各在本官之

前更不赴文武兩班序立如非慶賀朝會並依舊例  
八月十四日太子詹事慎從吉言詹事之官始自秦建  
按六典及齊職儀品第三秩二十石擬尚書令又官品  
令為正三品禮秩故事煥然具在侍宴本合升殿唯比  
品者不升况又三品之官近例已曾升殿伏望正茲舊  
位庶合典彙詔兩制與崇文院詳定以聞既而晁迥等  
言若移詹事升殿則秘書監而下並為三品亦須同升  
望且循近制從之 二十日詔升門下中書侍郎班在  
常侍之上 十二月二十一日詔右諫議大夫知制誥  
錢惟演班位依舊在知制誥孫僅之下先是知制誥班  
序以先後不以官至是以諫議大夫班在中書舍人之

上故申明之二十五日閣門言準詔宣慶使立班在四方館使之上其四方館使係橫行未審立班於橫行或於東班諸司使前宣政使之上詔於東班宣政使前別行序立二年正月九日置內殿承旨在崇班上視殿中丞三年七月二十二日詔龍圖閣學士在樞密直學士之上四年四月十日詔宗室將軍已下慶恩轉官令御史臺不得分官高下止依弟姪次序立位二十七日閣門言儀制臣僚班入三司使在文明殿學士之前今資政殿大學士向敏中起居見在三司使丁謂之上其謝班取旨詔敏中先入七月五日詔今後應差文武臣僚充安撫巡檢使副都監及提點刑獄之

類但係同差帶職名者並令一班辭見合重行異位即依常例  
六年二月六日大酺時盛度路振除知制誥未謝詔令赴會即依本班  
四月一日閣門言儀制定辭見奉知政事大班退親王起居後入翰林學士依辭見班次入近準詔文武臣僚係同差帶職名者並令一班辭見令丁謂李宗諤差充迎奉聖像使副朝辭班入次第取旨詔丁謂李宗諤依儀制定班次今後除中書樞密院外其餘臣僚並一班辭見  
八年正月十一日詔玉清昭應宮判官自今赴宴在龍圖閣待制之下七月詔三司副使自今內殿起居依舊例升殿侍立自依閣門儀制外如東上閣門拜表國忌行香即於右省

班後別立如殿庭慶賀叙班時殿中侍御史分班立三司副使於右省班後殿中侍御史前次南立合班於右省班後殿中侍御史之前次西立 八月十八日命戶部侍郎林特為同玉清昭應宮副使班在翰林學士之上帝以特久任三司高年勤瘁特置此職班於學士之上以寵之 九年正月十九日詔御前忠佐馬步軍都頭誠州團練使夏守恩差同勾當軍頭引見司令繫書在勾當軍頭司昭宣使誠州團練使趙永煦之下 二十三日興州團練使德文言男侍禁承顯等準詔赴起居請在惟忠子從恪之上時從恪雖姪行而拜職在前因命宗正守定宗室班圖以聞宗正上言按公式令朝

參行立職事同者先爵爵同者先齒今以宗子官同而兄叔次第姪者並虛一位而立德文復言爵同先齒當叙尊卑之制 帝曰朝廷儀制以官次先後不可易也

五月二十九日以尚書右丞趙安仁為景靈宮副使

班如同王清昭應宮副使例 八月四日命翰林學士

李迪為會靈觀副使止從本班宮觀副使皆在學士之上廸止從本班馬 九月七日詔自今參知政事樞密

副使宣徽使立位並以先後為次 十月二十九日詔

直龍圖閣序班於本官之上仍預內殿起居與修起居

注官同行依官次立 天禧二年十二月詳定御史臺

條制所言文武班有自來止以除官先後為次今請與

任中書樞密院者不以除官先後並在同班之上曾任平章事者復在上俱曾任平章事即以除授先後為次從之

三年十一月六日詔翰林侍讀學士刑部侍郎張知白序班在玉清昭應宮副使尚書右丞林特之上知白自天雄軍徙應天府便道朝覲故也

九日閤門

上大禮稱慶合班園皇太子序位在宰相上太子懇辭帝以諭宰臣扈準等面陳儲副之重不可謙抑望遵儀制凡再請乃許十二月詔令節度使班在中書侍郎之下四年四月三日詔翰林學士楊億序班於錢惟演下盛度之上惟演言億景德中已為學士今並為丞郎望升億班在上從之五月三日左正言知制誥張

卷之三  
師德言奉詔知潁州皇弟德雍見任本州防禦使其書  
銜望降規式中書言據御史臺稱每大朝會立班皇親  
防禦團練刺史次節度使下稍退序立詔師德位德雍  
下 七月一日先天節群臣上壽涙王元儼攝太尉以  
宰臣冠準罷來命相故也 九月二十日詔太子太保  
王欽若入赴內殿起居班在玉清昭應宮副使林特之  
上從欽若之請 五年八月尚藥奉御直醫官院姚可  
久言閣門告報立位在贊善大夫同正直醫官院蘇文  
遂之下竊見閣門祗候不以帶職先後並叙官資令臣  
資序與崇班比品望比類立位詔可久立文遂之上  
乾熙元年三月二日蔡州團練使允升等言蒙恩授防

禦使望許與觀察使德雍已下一班起居又崇儀使守  
約言蒙恩轉內園使康州刺史自來在內園副使承慶  
之上今承慶授內藏庫使望許仍舊並從之 十月二  
十八日翰林學士晏殊李諮言天禧中楊億再授學士  
位錢惟演之上今劉筠復授學士舊位在上望依近例  
從之 十一月五日詔新保大軍節度使錢惟演序班  
在柴宗慶之上惟演宗慶並檢校太傅而宗慶先除時  
以惟演曾任樞密故升之 仁宗天聖三年十二月十  
二日詔自今後除授宰臣樞密使立班次序並依久來  
儀式國朝故事序班以宰臣為首親王次之使相又次  
之乾興中王曾拜平章事時曹利用以樞密使兼侍中

曾充會靈館使遂令曾班在下覃恩降旨即俱次親王後唐時安重誨以太尉中書令樞密使權任至重然亦在列曹相之下咸平初曹彬以勲舊為樞密使兼侍中在戶部侍郎平章事李沆下若以利用帶正官則親王任三師尚書中書令者亦未嘗叙中外深以為失是歲王欽若卒王曾遷玉清昭應宮使張知白為相兼會靈觀使制命既下詣便殿告謝偕集門廬候對閣門定班次王曾明當居首利用默不言而恚形於色閣門依違不決帝意不欲特出指揮故但令有司裁定遣入內押班江德明監督焉久之永明殿已座門司屢請班首姓名欲先啟奏曾乃抗聲曰但言王曾已下告謝班次始

定至是雖降是命而知白終讓利用居上焉

十三日

閣門言刑部尚書林特差知承進銀臺司立位取旨詔

依先朝指揮位翰林學士上儀制知承進銀臺司三班院審官院審刑院糾察在京刑獄朝臣內殿起居立位臨時取旨而特祥符中任戶部侍郎同玉清昭應宮副

使內殿起居立位在翰林學士之上

四年十月二十

三日詔應三班差使殿侍散直外殿直等往州軍勾當

並立班在命官之下攝長馬之上州府軍監醫博士在攝長馬之下時審刑院言令式元無品秩故也

五年

二月二日龍圖閣學士陳堯咨為翰林學士知開封府

詔位蔡齊之上時學士有劉筠宋綬蔡齊章得象以堯

容先朝初榜狀元及第特令位齊之上 八月二十六  
日詔宿州觀察使知大名府陳堯咨每契丹使經過其  
座次權在丞郎之上堯咨自翰林學士工部侍郎特換  
觀察使故也 九月二十八日閣門言宗室防禦使已  
下自來與觀察使一班立位今除長寧節上壽重行坐  
外其餘宴並是一班詔自今應合預宴會坐次並依元  
定儀制既而復上言儀制官次不論宗室今依儀制遇  
遊宴令與外任防圍刺史西面一行坐或遇崇德殿上  
壽及宴並合移過東西詔自今每遇遊宴行幸上壽及  
但係宴會合預坐者並於皇親觀察使後重行而坐  
六年八月二十八日詔御史中丞兼刑部侍郎晏殊位

翰林學士宋綬之上   十一月六日以翰林侍講學士  
兵部侍郎孫奭兼龍圖閣學士位翰林學士馮元之上  
從元之請也時陳堯佐任翰林學士依舊在元下其後  
徐奭入翰林亦在元下   七年二月十一日閻門言新  
除資政殿學士晏殊準儀制位翰林學士下緣殊仕御  
史中丞已奉詔立宋綬之上今欲依舊序立從之   九  
月二日詔入內內侍省內侍都知押班自今立班別作  
一行閭門言都知押班各帶諸司使副未審如何別作  
一行詔如帶昭宣使已上即與客省使等依使名為一  
班如帶皇城使副以下並在皇城使之前別作一行  
八年四月十二日翰林學士章得象言伏覩召宋綬盛

度入院充學士竊以綬天聖已為學士度在先朝即踐  
扁禁願遵近例升位在上從之 十八日翰林學士中  
書舍人宋綏言蒙恩充學士與右諫議大夫盛度並命  
度在先朝已為學士望升位在上從之 五月詔應閣  
門祇候在京者依舊以授職先後立位如差外勾當並  
依官品次序 十月九日閣門言給事中權三司使公  
事胡則立位取旨詔依舊例立知制誥之上 二十二  
日詔置天章閣待制立位令在龍圖閣待制之下 十  
一月五日詔刑部尚書張士遜立位在資政殿學士晏  
殊之上每從遊宴尚書班在學士後以士遜舊相故升  
之 九年閏十月十八日樞密直學士程琳言樞密直

學士李咨先朝已為翰林學士嘗總邦計並位臣上昨日太清樓觀書召太子少保致仕晁迥赴會閣門定班在尚書之上詔移於御史中丞之南中丞座與學士同行故升迥居前以優之十年八月七日以新除樞密副使兵部侍郎晏殊為參知政事立位趙楨之上明道元年十二月二十一日詔上御藥比內殿承制上御藥供奉比崇班並在上二年五月十七日詔新除武勝軍節度使同中書門下平章事呂夷簡起居立位在泰寧軍節度使同平章事錢惟演之下彰德軍節度使同平章事駙馬都尉柴宗慶之上九月二日詔升閣門

使位昭宣使之上 十月三十日詔中書門下大勅後  
繫書張士遜楊崇勲在王曾之下 十一月三日閣門  
言新除龍圖閣學士右諫議大夫權三司使公事范諷  
立位在龍圖閣直學士狄斐之下詔諷位程琳之下  
景祐元年二月三日閣門言資政殿學士薛奎立位依  
儀制在翰林學士之下詔奎位翰林承旨之上 七月  
十七日詔新除樞密使吏部侍郎同平章事王曉勅後  
繫書在張士遜之下 二年二月二十三日詔新除資  
政殿大學士李迪立位在三司使之上 九月十一日  
詔判司天監楊惟德座次在正郎之下立於四品班內  
少退 十二月三日詔宗室德文先升授節度使令在

管軍節度使之前別作一班起居座次仍於管軍節度使之南少出一位四年三月二十七日詔司封員外

郎直集賢院賈昌朝祠部員外郎崇文院檢討王宗道

主客員外郎楊安國屯田員外郎趙希言並兼允天章

閣侍講立位在直館本官之上仍令內殿起居與修起

居注依官位序立四月二十七日詔新除尚書左僕

射充資政殿大學士王曾立位起居在三司使之上

用  
待中向敏中例也閏四月十六日翰林學士李淑言臣叨職

史闡十有一載拜命之始今翰林侍講學士馮元即是

同修國史其後並判禮院臣亦在下今忝命寔異班

儀欲望特許史院禮院依舊位元下從之十九日龍

圖閣待制權知開封府張逸言龍圖閣待制王舉正元  
知制誥避親改授欲乞立班在上從之   十月二十五  
日翰林學士李淑言父尚書工部侍郎若谷見任樞密  
直學士臣聯升近職寔為榮遇制朝辨位雖不敢踰因  
嚴訓恭思有以避欲望特降指揮下閤門遇有父子超  
班聽立父下庶以著定之際無爽親尊之規從之   五  
年四月六日知制誥王堯臣等言伏覩龍圖閣待制王  
堯臣等言伏覩龍圖閣待制王舉正再授知制誥竊以  
舉正鄉避親黨今復詞職望依王旦夏竦例令舉正復  
在綸閣之首從之   五月十九日詔刑部尚書兼御史  
中丞晏殊立位在翰林學士之上   八月閤門詳定合

班雜座儀中書令侍中同中書門下平事

以上為宰相謂之宰臣

親王使相

樞密使留守節度京尹兼中書令侍中同中書門下平章事

尚書令太師

太尉太傅太保司徒司空

舊儀太師太傅太保為三師

太尉司徒司空為三公太尉

在太保之下國朝以來自太傅除太尉今

依此相壓其三師三公之稱如舊儀制

樞密使知樞

密院事參知政事樞密副使同知樞密院事宣徽南北

院使簽書樞密院事

大中祥符九年九月七日詔自今

並以先後為次序同

太子太師太傅太保

次舊有嗣王

關節王令皆領

知樞密院事亦同

左右僕射太子少師少傅少保州牧

冀州兗州青州徐州揚州荊州豫州梁州雍州開封河

南應天大名真定京兆鳳翔河中江寧興元又有

大都護大都蓮今

皆領使無特為者

御史大夫六尚書左右金吾衛左右

衛上將軍門下中書侍郎節度使文明殿學士

學士至尚書

有特旨者資政殿大學士三司使

與文明殿學士

資政

從本班序取裁舊三部制置使亦使翰林

上樞三司使臨時取裁

翰林學士承旨翰林學

士資政殿學士端明殿學士翰林侍讀侍講學士龍圖

閣學士樞密直學士龍圖閣直學士左右散騎常侍六

統軍諸衛上將軍太子賓客太常宗正卿御史中丞

五年三月兩史臺奏右諫議大夫正化基權中丞日正

衛常參立中丞埠位內殿起居日止立本官班次右諫

議大夫宋太初擢臺事請如王化基例

定班位詔如王化基例

留後給事中左右諫議大夫中書舍人知制誥龍圖天

章閣待制觀察使祕書監光祿衛尉太僕大理鴻臚司

農太府卿內客省使國子祭酒殿中少府將作監景福

殿使客省使開封河南應天尹太子詹事諸王傅司天

監左右金吾衛以下諸軍衛大將軍

次第有次府尹公郡公今無單為

皆有領使

火薦有中都督下都督

太子左右庶子引進使防禦使

團練使

無特為者

又中都護副都護今皆閣

三司監鐵度

支戶部副使

官至諫議上從本官

太常宗正少卿祕書少監光

祿等七寺少卿宣慶使四方館使國子司業殿中少府

將作少監開封河南應天少尹太子少詹事太子左右

諭德太子家令太子率更令太子僕諸州刺史諸王府

長史司馬司天少監樞密都承旨

知客使以下充樞密都承旨亦依本職

同班如閻門使充即在閻門使之

使以下轉南班官充樞密都承旨亦與同班仍舊職

之上加自客省副使以下轉南

宣政使西上閻門使昭

宣使樞密承旨樞密副都承旨諸軍衛將軍起居郎起

之官並在閻門使之上轉南

居舍人知雜御史諸行郎中皇城以下諸司使樞密院副承旨樞密院諸房副承旨如帶南班官者在諸司使之下不帶南班官者在皇城上副使殿中侍御史左右司諫諸行員外郎客省引進

閨門副使左右正言監察御史太常博士皇城以下諸司副使次府少尹大都督府司馬充徐洛陝揚就趙福通事舍人

國子博士國子春秋禮記毛詩尚書周易博士都水使者開封祥符河南洛陽宋城縣令太常宗正祕書丞著作郎殿中丞內殿承旨如帶閨門祇候殿中省尚食尚

藥尚衣尚舍尚乘尚輦奉御大理正太子中允左右贊善大夫內殿崇班如帶閨門祇候即在本官之上閨門祇候太子中舍洗馬樞密兵房史房戶房禮房副承旨太子諸率府率

左衛左右司禁左右  
清道左右盡門左右內

東西頭供奉官太子諸率府副

率諸衛中郎將

衛左右牛衛

郎將左右侍禁

諸王友諸王府諮議參軍

官高者從本官

司天春官夏官中官

秋官冬官正節度行軍司馬副使

祕書郎左右班殿直

著作佐郎大理寺丞諸寺監丞

大理評事太學廣文博

士太常寺太祝奉禮郎祕書省校書郎

正字御史臺諸

寺監主簿國子助教廣文太學四門書學算學博士律

學助教

書學算學無助教

司天靈臺郎保章挈壺正三班奉職

借職防禦團練副使留守京府節度觀察判官節度掌

書記觀察支使防禦團練判官留守京府節度觀察推

官軍事判官防禦團練軍事推官軍監判官諸州別駕

長史司馬司錄錄事參軍司理參軍三京府軍巡判官  
在諸曹參軍之下諸曹諸司參軍諸縣令赤縣丞諸縣主簿尉諸州文學  
參軍助教寶元二年五月二十六日詔新授鎮海軍節度使知樞密院事夏守贊立位在同知院陳執中之  
上參知政事李若谷之下十一月十八日詔端明殿學士李淑立位在翰林學士晁宗慤之上先是以久參  
林學士元祐崇寧之次而特優之至是復進端明閣十二月十六日  
詔樞密院諸房副承旨仍舊在內殿崇班閣門祗候之  
上康定元年八月二十九日詔新授宣徽南院使天平軍節度使判澶州夏守贊依周瑩例立位在樞密副  
使之下二年五月十四日閣門奏請以入內內侍省

都都知內侍省左右班都知比景福殿使入內內侍省  
都知內侍省左右班都知比宣慶使入內內侍省副都  
知內侍省左右班副都知比宣政使入內內侍省內侍  
省押班如帶諸司使以上比昭宣使如帶諸司副使以  
上並在皇城使上先是首令閭門升此班次故有是今十月十八日詔  
三司副使自今並以入省年月先後馬立班次序更不  
遞遷在省繫書即依部分慶歷二年五月十三日詔  
諸路轉運使副馬按察之官其路分兵馬鈐轄並位其  
下提點刑獄朝臣在州鈐轄之上與路分鈐轄叙官  
七月二十一日詔樞密使刑部尚書同中書門下平章  
事晏殊班護國軍節度使左僕射兼侍中張耆之上

八月十一日詔資政殿學士尚書禮部侍郎張觀立位  
在翰林學士承旨之上用康定中陳執中例 三年四  
月二十七日詔新除資政殿學士富弼依本班立位舊  
例鄭戩罷樞密副使授資政殿學士位翰林學士承旨  
之上弼除樞密副使不拜告勅納中書故有是命 八  
月十五日詔知諫院王素等自今比直龍圖閣及修起  
居注例赴內朝起居立位級直龍圖閣以下班依官位  
序立 四年七月二十二日詔閔門東平郡王德文等  
十人並立本班之上少前 八月二日中書門下言親  
王之子承嫡者為王封郡王又有封郡侯郡公者令郡  
王皆領使并國公郡公無單為者其班序合從本官詔

令各在本班之上仍少近前序立。五年二月十四日  
知制誥張方平言起居舍人知制誥楊察服闋還職班  
著乞依先入名次從之。三月十九日大宗正司言汝  
南郡王第十一男宗實見任大將軍宜州刺史有親兄  
宗懿宗樸未帶遙郡乞依例令在兄宗懿宗樸之下立  
班從之。十月二十五日翰林學士孫抃張方平言學  
士蘇紳已復舊職緣紳位本在臣等之上望許仍舊從  
之。六年二月十二日詔樞密使保寧軍節度使同中  
書門下平章事王貽永依晏殊例在忠武軍節度使兼  
侍忠德丈之下鎮安軍節度使同中書門下平章事章  
得象之上序立。八年四月初八日詔守司空致仕章

得象每遇大朝會許綏中書門下班

七月十九日詔

翰林學士李淑立位在葉清臣之上淑知益州還朝詔

特升舊位

九月二十六日沂州防禦使李端愿言臣

兄端懿近復防禦使與臣同班有司以新授官合在臣

下欲乞序立於端懿之下從之十月五日知制誥楊

偉等言知制誥趙槩丁憂服闋赴職望仍舊立位在上

從之十二月二十四日詔景福殿使武信軍節度觀察

察留後入內內侍省內侍都知王守忠如正任班他不

得援例

皇祐元年四月五日詔駙馬都尉內殿起居

次殿前都指揮使班後宮僚班前六月十二日御史

臺言準詔同閣門詳定景福殿使武信軍節度觀察留

後入內內侍省都知王守忠遇朝會班及集英等殿宴  
并隨駕諸處筵會對御座可否以聞臺司勘會自來朝  
會即無內臣綴正刺史觀察使已上班序及與閣門同  
檢會自來亦無內臣對御赴座之儀看詳王守忠除恩  
例依前降御批指揮外集英等殿宴并隨駕更不對御  
赴座如遇朝會即合歸景福殿使班詔守忠為在左右  
令依先降指揮排班立位不令移改即更不赴排立自  
今內職應帶領使額遙郡並依御史臺所定施行

十

一月二十六日詔江南荆湖福建廣南等路提點鑄錢  
公事與提點刑獄朝臣以官高下序之

三年三月十

三日詔新授刑部尚書觀文殿大學士宋庠令學士院

取口宣於東上閤門賜告勅立班在觀文殿學士前別  
作一行永為定制。四月二十日詔太子太師致仕  
王德用遇大朝會許級中書門下班。五月二十一日  
閭門言紫宸垂拱殿臣僚立班石位先準勅改文明殿  
學士為紫宸殿學士近又準勅改為觀文殿學士新除  
觀文殿大學士其閭門儀制合班儀內高下相壓并石  
位乞改正添入詔在六尚書之上石位依例改正。九  
月二十七日詔尚書兵部員外郎直史館曹穎叔差權  
三司度支副使起居立依正三司副使。五年六月七  
日詔觀文殿學士尚書左丞高若訥立位在新除觀文  
殿學士禮部尚書王舉正之上閭門儀制六尚書在觀

文殿學士之上又觀文殿學士官至尚書有特旨者從  
本班序以若訥曾任樞密使故升之閏七月九日戶  
部侍郎新知鄆州龐籍遇正衙序百官班立在大卿之  
下籍罷相出鄆州序班無特旨御史臺檢儀制序位  
十月一日詔新除尚書禮部侍郎充三司使田況起居  
立位在觀文殿學士高若訥王舉正之上皇祐初張充  
佐以禮部侍郎三司使位觀文殿學士刑部侍郎丁度  
之上故用為例二日三司使尚書禮部侍郎田況言竊  
聞閭門定臣立位在觀文殿學士之上伏緣高若訥曾  
任樞密使王舉正官是尚書與前未張充佐丁度立位  
事體不同望令臣位舉正之下詔况常朝起居並依石

位如殿門外序班并筵會座位並在舉正之下舊制三司使內朝班學士之右獨立石位門外亦班其上至是况以若訥舉正二府舊人故推之  
至和元年七月二十四日龍圖閣直學士呂公弼言龍圖閣直學士歐陽修丁憂服闋緣修除學士在臣之前望令立位在上從之  
八月二十二日詔觀文殿大學士晏殊遇賜茶并筵會令座杌子出入戴涼傘與中書樞密院臣僚同處下馬過大朝會筵宴級中書門下班  
九月八日三司使王拱辰言閣門以臣班觀文資政學士之上今高若訥吳育皆二府舊臣望許依近例殿外序班於其下從之  
二年三月九日詔修起居注自今每遇御邇英閣

立於講讀官之次 初修起居注賈黷請左右史入閣  
記事而賜座於御榻之西南至是修起居注石揚休言  
恐有宣諭及論推今古之事座遠而不聞因令立侍馬  
七月八日詔凡宰相召自外者令百官班迎之自內拜  
者聽行上事儀國朝待宰相蓋有故事其後多承例辭  
至是文彥博富弼入相御史梁脩請班迎於閣門范師  
道又請行上表禮然亦卒辭之 嘉祐三年六月九日  
詔新除宰臣富弼韓琦樞密使田况並依新官立位

四年五月四日天章閣待制錢象先盧士宗楊畋唐介  
言天章閣待制何郯除職在臣等之先服闋還朝望仍  
舊位從之 六月七日詔觀察使駙馬都尉李璋令依

柴宗慶李遵勗例綏節度使班次起居於宗旦之前別  
作一班 八月十七日閣門使李端慤言近陞觀察使  
駙馬都尉李璋班綏節度使見為雜壓班位閣門已具  
申明外復見宗室留後以上直綏親王班起居如據舊  
制合班座次盡當綏親王稍退今未有親王但宗室郡  
王使相比親王禮數不完正在親王使相之間檢會允  
鶴守節先任留後援允寧例方得綏節度使班豈今留  
後便可直綏親王班乞下閣門取索自前宗室陞班座  
次文字釐正閣門言先令節度使允初留後承簡綏允  
良班其座次自來各依本官班座今既陞李璋班綏節  
度使若依李遵勗舊儀座次合綏節度使稍退有此交

詔與端憲同詳定以閭閣門檢會華州觀察使允初奏  
自來與承簡一班起居欲乞依舊立班慶歷八年七月  
十六日特旨令綏允良班又金州觀察使徐國公承簡  
奏乞隨允初一班大宗正司狀為允弼先任觀察留後  
方綏節度使班 皇祐二年十一月十一日特旨承簡  
是秦王後北宅最長特許綏允初班餘人不得援例今  
看詳留後班前有皇親使相節度使兩班誠為隔鷺緣  
承簡綏汝南郡王已下班歲久欲乞自今後皇親留後  
更不許綏親王班又檢會天聖十年五月內詔德文等  
令在管軍節度使之南歇空出頭座後來閭門循例以  
節度使允初留後承簡觀察使宗旦座次在管軍節度

使之南即不奉朝旨今欲乞將皇親節度使留後觀察使防禦圍練刺史依議制班次移於管軍節度使之北一行歇空并留後觀察使已下依官次重行排列駙馬都尉李璋亦依儀制座次如別奉恩旨並繫臨時詔依所定十二月四日樞密副使陳升之言蒙恩授臣樞密副使承前立位當在趙槩之上緣槩自翰林學士禮部侍郎為御史中丞班列本高欲乞立班在槩之下從之五年正月二十二日知制誥劉敞范鎮王疇等言知制誥賈黷丁憂服闋歸朝乞立班依舊從之三月二十八日翰林學士吳奎賈黷等言學士王珪位本在上欲乞依舊在上從之六年四月六日閤門言近準詔

入內都知至押班如帶昭宣使以上卽與客省使等依  
使名為一班帶皇城使副已下卽在皇城使之前別為  
一班將來 乾元節度錫慶院齋設座次若依近降條  
貫入內都知帶押班如帶皇城使以下卽在皇城使之  
前別為一行其內侍省都知押班只從本官赴坐舊例  
錫慶院樞密使以下齋設座次入內內侍省內侍都知  
押班座次在西南與客省引進四方館閭門使副一行  
座今除法官參詳到立班繫書及座次相壓依閭門條  
貫外所有齋設座次取旨詔令依舊座次餘如近制

閏八月閻門言先準康定二年五月詔書閭門定奪中  
書參詳前後殿都知押班升比班次入內內侍省都都

知內侍省左右班都知比景福殿使入內內侍省左右班都知比宣慶使入內內侍省押班帶諸司使已上比昭宣使帶諸司副使已下並在皇城使之上又準嘉祐五年十一月九日中書劄子詳定編勅所奏準送下閻門狀檢會皇祐一司編勅內與兩省都知押班繫書差互方欲申明次據莊宅使端州刺史內侍省內侍押班石全育狀準勅差管轄三司大將近差駕部郎中盧士宏權發遣三司開拆司檢會皇祐編勅陞比班次內侍省押班如帶諸司使以上比昭宣使即不見得今米繫書相壓高下申乞指揮閭門即牒內侍省請具本省編勅回報據牒到前後殿都知押班升比班次勘會皇祐

編勅內應皇祐二年以前專下一司宣勅除今來編載  
外其不係編附者更不行用者詳兩司編勅交互申中  
書門下伏乞裁定詔送編勅所詳定據刪定官張師顏  
等狀檢會皇祐閭門一司編勅節文東西上閭門使並  
在昭宣使之上又條入內都知至押班如帶昭宣使已  
上即與客省使等依使名為一班帶皇城使副已下即  
並在皇城使之前別為一班又條入內內侍省都知押  
班如帶昭宣使以上已有定制若帶皇城使以下在皇  
城使之上繫書帶皇城副使以下在皇城副使之上繫  
書帶內殿承制崇班在本官之上繫書又準皇祐內侍  
省一司編勅節文前後殿都知押班升比班次依下項

入內內侍省都知內侍省左右班都知比景福殿使  
入內內侍省都知內侍省左右班都知比宣慶使入內  
內侍省副都知內侍省左班副都知比宣政使入內  
侍省押班如帶諸司使以上比昭宣使如帶諸司副使  
以下並在皇城使之上又條兩省都知押班如同勾當  
去處其繫書官位各隨本職入內內侍省在內侍省之  
上又條內內侍兩省內臣非次轉入都知及押班者更  
不依官資高下只以新轉入職名先後相壓所據將前  
項申請今衆官參詳其前後殿都知押班升比班次係  
本省一司條貫如只是與內臣立班繫書及座次相壓  
合依此指揮若與文武官立班繫書及座次相壓即合

依閣門條貫指揮其上項兩司勅條不係通使別無差  
互詔從之 九月五日詔轉運判官其位於本路通判  
及兵馬都監之上 七年五月二十三日入內內侍省  
都知史志聰言蒙遷入內都知差勾當軍頭引見司勘  
會西上閣門使陵州團練使李端憲見勾當本司伏覩  
閣門新除條貫入內內侍省都知比宣慶使詳定編勅  
所定到都知陞比班次如是與內臣立班繫書及座次  
相壓合依此指揮若與文武等官立班繫書座次相壓  
即合依閣門條貫指揮勘會內臣宣慶使在宣政使之  
上武臣東西上閣門使在內宣政使之下臣看詳先降  
編勅內入內都知比宣慶使今來編勅所詳定只是與

內臣立班繫書及座次相壓臣見係左驥驥使嘉州防禦使入內內侍省都知若與內臣宣政使武臣閣門使三人合班或同勾當及同列座次未審如何相壓兼見與李端憲同勾當軍頭引見司有此繫書疑慮欲望詳酌明降指揮詔送詳定編勅所詳定編勅所奏據刪定官張師顏等狀所據前項奏請并錄到儀制條貫勘會前來閭門不曾聲說上件康定二年五月十四日中書劄子遂只據錄到內侍省一司升比班次勅文定奪只合於本司施行今再詳前項升比班次元降指揮合與閭門儀制一處施行皇祐中編修一司條勅之時只編入內侍省勅內於閭門勅內漏收遂致兩處指揮不同

其上件內侍省一司勅都知等升比班次條亦合下閭門施行閭門一司勅內聲說都知押班在昭宣使以上立班繫書條貫二件并嘉祐五年十一月九日中書劄子更不行用詔送閭門依所奏 八月二十六日詔明州觀察使昌國公承亮隴州防禦使邢國公世永起居立位並令在本班之上 十一月二十九日太常禮院一言奉詔同閭門定皇子齊州防禦使班位請於皇本班之前別為一班殿門候班閭子在使相之下從之

英宗即位  
未改元

八年四月一日殿前副都指揮使李璋鎮東

軍節度觀察留後李端愿同州觀察使李璋以外戚元隨宗室別班赴臨詔璋管軍同百官入端愿璋從所乞

九月二十二日宿州觀察使宗懿進封和國公立位在  
世永之上    十月八日皇子淮陽郡王上表乞序位於  
叔祖允初之下三表不允    十一月八日翰林學士王  
珪賈黷范鎮馮京等言伏見端明殿學士兼龍圖閣學  
士禮部尚書張方平自應天府徙鄆州已乞朝見緣方  
平踐歷近列在臣輩之先乞許立班在上從之    英宗  
治平元年三月十三日詔群牧都監判官位在有群牧  
路分轉運使之下同群牧事知州軍員外郎之上與提  
點刑獄序官    五月詔御史臺閭門舊十日一具文武  
細書班簿以進自今大書為冊月上之樞密院李一進  
者亦為冊    六月十二日宰臣韓琦等上表請序位在

頴王之下詔答不允。十四日詔大勅繫位皇子頃在富弼之上。頴在宋庠之下。七月四日皇子頤王上表乞序班於樞密使平章事富弼之下。又言閭門請移東平群王乞弼等俟班閭位令在臣下乞且仍舊並詔不允。二年六月二十六日涇州觀察使舒國公從式言乞立班在叔承衍之下。詔從式班於宗謗之上。八月二十二日詔寧國軍節度觀察留後遂國公宗立位宗謗之上。十月十九日宰臣曾公亮言先朝樞密使兼侍中有在平章事集賢殿大學士之上者今文彥博至乞序班如故事閭門奏天聖中樞密使兼侍中曹利用領景靈宮使宰臣王曾領會靈觀使故利用在曾上其

後樞密使兼侍中不領宮觀則宰臣在其上從之

三

年二月十七日皇子頴王言得閭門報國忌行香令臣

押皇親班乞改命允弼所貴尊卑有辨以寧私分詔令

允弼押班頴王先燒香退五月十四日三司使韓絳

言序立雜座乞在觀文殿學士胡宿下從之九月二

日殿中侍御史吳申言閭門引起居班多比至臣僚升

殿顧視日旰不敢從容敷奏乞依舊例併班合引詔閭

門詳定閭門言起居班次自來遵守儀制難議合併詔

再詳定以聞閭門乃請合併下項班次以內侍省都知

已下讀奏自閭門通唱引班通事舍人已下兩班合為

一殿前指揮使內殿直散員散指揮散都頭金槍班三

班合為一東西班忠佐殿前都指揮使已下駙馬都尉  
宮僚員僚皇親大將軍已下行門宰臣樞密使已下穎  
王皇親郡王侍衛馬軍都指揮使已下皇親使相皇親  
節度使皇親觀察留後已下皇親防禦團練刺史三班合  
為一節度使觀察留後已下防禦團練刺史三班合  
為一並重行異位詔依所定既而武康軍節度使李端  
愿言使相亦當合為一班不當獨行尊異詔令閭門再  
定而閭門引儀制及以前議為是又從之端愿復伸前  
議自効妄言乃詔太常禮院與御史臺同詳定禮院言  
參詳常朝起居班次緣祖宗舊制今未乞不併合從之  
治平四年二月九日神宗即位未改元 樞密副使呂公弼言新

授樞密副使吳奎入院在臣先比以憂制今還舊職乞  
令序班在上從之三月六日新除昭德軍節度使兼  
侍中曹佾大勅後繫書令在富弼之上閏三月十九  
日太常禮院閭門言准詔同詳定閭門使李端憲所奏  
閣門儀制宰臣與親王立班座位分左右各為班首宰  
臣樞密使帶使相或帶郡王并使相作一行總為中書  
門下班其親王獨作一班者準封爵令兄弟皇子皆封  
國謂之親王所以他官不可參綴檢會坐次圖子直將  
宗室使相較親王益更張之時未見親王遂致失於講  
求近見朝拜景靈宮東陽郡王顥亦綴親王班竊恐未  
安今取到閭門儀制其合班宰臣使相在東親王在西

分班立又檢到祥符元年宴座次圖子宰臣王旦與使  
相石保吉在東寧王元偓舒王元偁廣陵郡王元儼節  
度使惟吉在西分班座其元儼惟吉是郡王與節度使  
許紹親王班竊慮當時出自特旨今來檢尋元初文字  
不見在先朝只依祥符元年宴座次圖子親王及帶使  
相郡王在西為一班臣等參詳請依閣門儀制親王在  
西獨為一班宗室郡王帶使相及宗室使相許紹親王  
立班座次印繫臨時特旨從之 二十一日保靜軍節  
度使虢國公宗誨言伏覩仁宗朝宗室任觀察留後至  
節度使者特許紹帶使相侍中郡王班今蒙恩授集慶  
軍節度使欲望比附前例紹班起居閣門檢會前例皆

是特旨今宗諤乞綏郎王班難議詳定詔依儀制序班  
在侍衛馬步軍都指揮使下 九月二十八日詔新除  
樞密副使韓絳邵亢參知政事張方平趙抃並兼官序  
立位 十月十五日翰林學士呂公著言司馬光近除  
翰林學士緣光前入院在臣之先今乞班在光下從之  
十一月二十五日閻門言準傳宣駙馬都尉王師約起  
居班次令依李璋例今定師約在德州防禦使李珣之  
下從之 神宗熙寧元年三月六日知制誥宋敏求呂  
夏卿陳薦楊繪等言近復錢公輔知制誥緣公輔擢入  
西掖在臣等前乞令立班在上從之 七日審刑大理  
寺言準詔詳定知瀛州馬仲甫奏條例少卿監與發運

轉運使副分官次高下相壓又發運使副在轉運使之  
上如轉運係大卿監亦在發運使副員郎之下部內知  
州軍少卿監却在發運轉運使副正郎之上不惟次序  
錯亂況在統屬於理未便欲乞重行定奪應少卿監在  
本路發運轉運使副之下大卿監即分官次所貴稍重  
職司高下有分寺司為知州軍少卿監以下與本路發  
運使副依官次行之已久難議更改詔重行定奪聞奏  
檢會嘉祐編勅江淮制置發運使副在轉運之上轉運  
使副在提點刑獄之上并諸州總管本路分兵馬鈴轄  
之上若路分鈴轄係正刺史以上即依官次其正刺史  
以上充路分總管并少卿監以上知州軍者與本路制

置發運轉運使副提點刑獄與提點銀銅坑冶鑄錢公事官員亦依官次其路分都監與本州都監同巡檢等並依官次相壓又條諸州官員及路分都監與本州都監同巡檢等並依官次相壓又條諸州縣官員以官品職任依今勅相壓若遇會集有高下相妨者如京官充通判諸司副使充監都監員外郎充簽判之類其簽判官雖高於都監緣職卑於通判合在都監之下又如京官充本州通判崇班充本州都監却與別州供奉官之類會集者緣供奉官合押京官其崇班雖高於供奉官合在京官通判之下其餘官局職任並依此例諸條官位相壓若權充職任者並與正同又準慶厯編勅制置

發運使轉運使副不以官品並在提點刑獄朝臣本路  
分兵馬鈐轄之上提點刑獄朝臣使臣在諸州兵馬鈐  
轄之上若路鈐轄即依官次序座其同提點刑獄使臣  
與轄下知州軍監並依官序參詳欲乞今後江淮制置  
發運使副轉運副使提點刑獄朝臣並在本路知州軍  
光祿卿之上與秘書監以上各依官次其同提點刑獄  
使臣即依慶歷編勅舊條序座從之 二十六日權三  
司戶部副使榮諲言新除鹽鐵副使呂誨到省舊制只  
以先後立班不理權正詔諲立位在誨下 四月八日  
詔以權御史中丞滕甫借翰林學士館伴令差官權攝  
一中丞中書門下勘會嘉祐二年權御史中丞張昇充迴

謝北朝國信使借龍圖閣學士刑部侍郎未發間遇宴  
在所借龍圖閣學士行中座即不差官權攝中丞復詔  
依舊制 十八日翰林學士鄭解言新授學士王安石  
入院舊制以先後供職為資次緣安石與臣同知制誥  
名在臣上及除學士臣草其制臣後方為學士安石緣  
江寧赴召入院在後望令立班在上從之 七月四日  
閻門言秘書監陳述古差權糾察在京刑獄立位取旨  
詔述古班於三司副使之上用祥符中衛尉卿慎從吉  
例也 九月六日詔集慶軍節度使號國公宗謗令在  
見任節度使上立班 十七日詔新除彰化軍節度觀察  
留後安定郡王從式令在本班之上仍少近前序立

二年三月一日宣徽北院使王拱辰言準閣門告報立班在參知政事王安石之上緣近例序班皆在執政臣僚之下乞依近例從之。四月一日國信所言大遼賀同天節左番使耶律興赴德文殿拜表言南使到北朝綴翰林學士班今來却在節度使之下館伴者諭之始就班時下御史臺閭門同詳定奏稱人使不知本朝翰林學士班自在節度使之下如遇合班即節度使在翰林學士之西差前別為一班其大遼國人使又在節度使之西別為一班立俱不相壓欲且依久來儀制體例詔依所定。四日御史臺閭門言為皇親正任班正刺史以上並綴節度使班人既多則節度使班不顯慮人

使疑問今定奪皇親正任兩使留後至防禦團練使正  
刺史已上每遇合班依舊於西班內序立並於節度使  
後重行別作一班仍與東班同品官前後畧相照即不  
得緩節度使班序立從之 十月三日詔中書門下曰  
二府者政事之出也 維是一二股肱之臣日謨謀於廟  
堂之上皆朕所尊禮之顧其勢豈有重輕哉伏覩仁宗  
實錄天聖時二府之相猶以其職高下定位則知往者  
不若今制之拘也今文彥博益朝廷之宗臣朕方倚以  
疆垂之事雖用陳升之為宰相其令升之仍位彥博下  
以稱朕遇賢之意繼而閭門言儀制宰相班在親王上  
樞密使帶使相班在親王下今來陳升之班在樞密使

兼侍中文彥博下或遇親王相壓取旨詔送太常禮院  
詳定以聞未幾復詔中書門下曰朕惟國朝之制雖兵  
民分於二府然其委用者皆所謂執政之臣豈獨相樞  
密者以為使相耶朕嘗惑之故丙申之詔令彥博班升  
之上所以尊老成而均政體也今彥博數言武臣之例  
非可同於親王之班理有未便執謙慮損情有莫由予  
恩固然雖拒勿得其令中書門下如所請施行 二十一  
五日編修閭門儀制所言慶厯中改文明殿學士為觀  
文殿學士又置大學士按文明殿即今文德殿乃正衙  
前殿也後唐始置學士序位樞密副使之下每遇紫宸  
殿坐朝則升侍立蓋文德紫宸通謂之前殿故學士侍

立為宜其觀文殿深在禁中乃與資政端明殿相類而資政端明學士並不侍立竊詳慶歷所改職名雖用舊之班著而殿之次序與舊義理不同其觀文殿大學士自今遇紫宸殿坐朝請更不升殿侍立從之 三年正月十三日編修閣門儀制所言準中書批送到閣門奏準詔令權發遣省府職司以上並與正權同其時暫發遣候正官者不在此限檢會儀制三司副使在太常少卿之上告謝宣名遇假日見謝辭並舞踏內殿起居立位在待制之後即無權三司副使班位皇祐三年尚書兵部員外郎直史館曹穎叔權度支副使依正副使立位其餘禮數雜壓未有明制自宋大兩省以上權三司

使公事只依本官立位相壓權知開封府本官少卿監  
以下假日不舞蹈今既無明降儀式即是權與權發遣  
副使便與正同却與權三司使及知開封府少卿監儀  
式頗有差異詔本所詳定以聞今參詳三司副使係正  
職事官權與權發遣公事乃是權攝其名既異理難一  
同今欲定權三司副使權發遣副使公事隨駕與逐日  
內殿起居立位歲時恩賜班入次第在省相壓並同正  
副使其權副使告謝不宣名假日不舞蹈對御座次及  
雜壓在知雜御史之下係少卿監以上即從本官其權  
發遣副使公事惟雜壓以本官仍在同官之上餘並如  
權副使之儀詔依 四月二十六日御史臺言檢會儀

制右諫議大夫王化基權中丞日正衙常參立中丞壇位內殿起居日止立本官班其後宋太初權臺事如化基例今龍圖閣直學士陳薦權臺事若依宋太初例即內殿起居合却歸學士班取旨詔常參正衙并內殿起居並權立中丞班位 五月二十一日編修閭門儀制所言準中書劄子閭門檢會右諫議大夫王化基權御史中丞宋太初權御史臺事具載儀制而自來相承不曾分異今來翰林學士兼端明殿學士禮部郎中知制誥馮京權御史中丞詔定奪聞奏今參詳馮京帶學士職權御史中丞欲定常參正衙并內殿起居並立中丞班位其雜壓即從學士之儀詔依 六月五日詔兵部

郎中同知審官西院韓縝與直龍圖閣一行序官立位  
九月二十三日詔新除河陽三城節度使集禧觀使守  
司空兼侍中曾公亮大勅後繫銜在曹佾上 二十四  
日詔公邊寨主不以官資並在監押之右 十月四日  
詔皇城使端州團練使新除樞密副都水使者李綬常朝  
立班令在都水使者之後宮苑使之前 十一月二十四  
日詔待制官係給諫者除權三司使外如遇起居日權  
於左右省班內序立所有直舍人院同知諫院見係兩  
省官職事亦令權級小兩省班內同知諫院級左省班  
分東西序立候兩省正官員數稍多即却依舊 十二  
月十七日御史臺言待制官係給諫并直舍人院同知

諫院橫行及行香等處亦合休起居日例權立左右省  
班修起居注亦乞權綴左右兩小省班從之 二十七

日三司使吳充言本省判官主判官與本轄庫務監官  
并權副使權發遣副使於鹽當少卿監除在朝廷自有  
彙制其入省及諸處相遇點檢到庫務合存統攝之休  
座次相壓未有定制法寺檢會益鐵曹案轄南北作坊  
料物器庫御厨度支賞給案轄裁造院西染院內农  
物庫文思院雜物庫發運案轄諸排岸司斛斗司轄百  
萬倉錢帛司轄左藏庫內香藥庫雜貢務百官案轄藥  
材庫糧料案轄三糧料院戶部戶稅案轄斛斗務修造  
案轄竹木務箔場都大提點寺務司衣糧案轄專勾司

鞠案轄院叅詳上項局務皆係三司三部管轄欲乞  
今後權與權發遣副使不須官序並在庫務監官之上  
判官主判官在庫務監官正郎之上餘依官序從之

四年二月二十三日詔皇弟頤大勑繫銜在文彥博之上  
上八月二十七日詔應兩制致仕不等職官遇朝會  
上壽陪位立班並依舊職五年七月十八日中書門

下言據貴州防禦使宗憲狀準閭門告報班位在姪世  
滋下第宗治上更有宗輔見係團練使亦壓却臣今只  
乞依宗室尊卑相壓體例依舊立班檢會大崇正司慶  
歷七年詔書皇族赴起居及出入行馬內有官位一  
般者並以尊卑相次鴈序行馬如有官位高者依久來

朝廷立班次序相壓即不得差越內有官高願在尊長  
之下亦聽近宗愕牽復使相見立在舊使相宗樸之上  
宗惠牽復防禦使立在舊防禦使充繼之上與宗慤牽  
復事牘一類其立位合依宗愕宗惠例下閭門改正施  
行詔依所定閭門官吏特放罪 七年正月二十八日  
詔修起居注直舍人院今後並許綏兩省班初御史臺  
奏起居日兩省班內闕官乞令待制官係給諫者除權  
三司使外如遇起居日權於左右省班內序立直舍人  
院同知諫院修起居注亦權綏小兩省班候正官員多  
即仍舊詔從之至是中書申明兩省員數稍多乃降是  
詔而同知諫院不預焉 八年閏四月二十四日詔今

後知州兼安撫著位並在本州路分兵官之上 九年  
十月二十五日詔新除鎮南軍節度使尚書左僕射同  
中書門下平章事判江寧府王安石大勅繫銜在陳升  
之之上 十年二月一日御史臺言定到管勾國子監  
太子中允兼天章閣侍講沈季長繫銜座次在同管勾  
國子監知諫院太子中允崇政殿說書黃履之上從之  
八日詔宗室新除崇信軍節度使同中書門下平章  
事判大宗正事宗旦大勅繫銜在宗樸之下 十月二  
十八日詔宗室新除昭化軍節度使同中書門下平章  
事宗誼大勅繫銜在宗旦之下 元豐二年十一月一  
日翰林學士蒲宗孟乞叙班章惇下從之以惇先除翰

林學士丁憂故也 五年二月二十一日詔知樞密院  
門下中書侍郎同知樞密院尚書左右丞班次以是為  
差 五月十四日吏部尚書李清臣等言今月十二日

僕射上尚書省百官方就位臺吏相繼趨臣等就列三  
院御史及中丞久不至臺吏復至臣等立班前贊云且  
歸幕次在廷觀者亦或竊笑按御史中丞班品在學士  
下合班即對引無先令學士尚書侍郎就列然後報引  
中丞之儀况三院御史班品不同竊慮立班不應在尚  
書之後乞送臺吏付有司根治詔吏人令御史臺勘罰  
六年七月十七日詔同知樞密院班尚書右丞下 十  
一月十二日中書舍人兼侍講蔡卞乞序班於兄起居

郎京之下從之七年三月二十一日詔御史中丞雜  
壓在六曹侍郎之上四月十六日御史臺閣門言本  
朝舊合班儀嗣王在郡王上宗姓又在同列之上近例  
郡王領使相者得吏二人前引雖出特旨緣嗣王恩數  
尤宜加隆今參詳嗣王若正隨本官立班當在本班之  
上使相即用雙引從之詔嗣王雖著品分然自國初以  
來未嘗除授故有司不能記其恩數近除宗暉嗣濮王  
宜下御史臺閣門參定以聞故有是議十月二十一  
日詔應職事官以除授先後為序同日除者以寄祿官  
哲宗元祐元年閏二月六日詔觀文殿學士資政殿  
大學士班序雜壓並在六曹尚書之上資政殿學士曾

任執政官準此

四月二十二日禮部言承旨司狀後

殿祇應閣門官起居郎舍人已準朝旨許令上殿侍立其樞密都承旨未奉指揮令奏詳遇有奏覆及傳奏公事即許升殿如係供職橫行使副兼領即本班侍立從之

五月二十六日詔太師平章軍國重事文彥博已

降旨令獨班起居自今赴經筵都堂同三省樞密院事並序位在宰相之上

十二月十日詔少府將作軍器

監都水使者今後在七寺少卿之上監丞在臺寺主簿之上

二年正月二十五日端明殿學士吏部尚書孫

永為資政殿學士兼侍讀提舉中太一宮兼集禧觀公

事立班佩魚視資政殿大學士韓維例

七月四日詔

除中行侍郎如未厯大兩省及待制以上職者並帶權  
字叙班在諸行侍郎之下雜壓在太中大夫之上  
年八月四日詔文武官雜壓增冀充青徐揚荆豫梁雍  
州牧在御史大夫之上  
閏十二月十八日置六曹尚  
書權官叙班在試尚書之下雜壓在左右常侍之下  
四年十月十八日新除吏部尚書傅堯俞言翰林學士  
承旨兼侍讀蘇頌與臣班列頤同而臣冒居其上頌自  
吏部尚書方除今任欲乞邇英進見許臣依舊居頌之  
次從之  
六年五月二日詳定編修閣門儀制所言三  
師三公舊儀雜壓在使相下立班在大班僕射前見謝  
辭與大卿監禮數一等自官制行立位雜壓在宰臣之

上其見謝辭宴座未有定儀欲依宰臣例又百官起居  
日宰臣遇假故即以次官高者押班今門下中書侍郎  
係兩省分班先入立位相遠難以引揖欲遇宰臣假故  
權移門下侍郎在尚書左丞之上押班從之 閏八月  
二十八日詔集賢院學士如曾任權侍郎以上人充者  
班列並在太中大夫之上 九月六日詔六曹尚書任  
執政官者立班在六曹尚書之上少前 紹聖元年三  
月二十三日殿中侍御史來之邵言集賢院學士之職  
自先朝以來体制與諸直館頗同頃自李周以權侍郎  
罷除集賢院學士出守外郡方有指揮曾任六曹侍郎  
者立班在太中大夫之上其後奏薦班列並同待制望

賜詳酌詔今後除集賢院學士曾任權侍郎以上者立班雜壓在中散大夫之上餘人立班雜壓在中散大夫之下元符三年三月二十七日詔少府將作軍器少監雜壓並依元豐令其元祐指揮更不施行徽宗崇寧元年五月二十日以寶文閣待制知瀛州葉祖洽為尚書吏部侍郎以嘗為權尚書序位今在吏部侍郎徐鐸之上十二月六日詔顯謨閣學士直學士待制雜壓在寶文閣學士直學士待制之下二年五月二十一日詔應殿中省官並赴內朝閣門擬定在工部侍郎西別班立少監以下各重行四年九月五日詔提點坑冶鑄錢官轉運判官提舉常平學事官並在知州朝

議大夫之上

大觀元年七月七日詔宗子博士序位

立班並在國子博士之上政和二年八月二十七日

詔京畿轉運副使提點刑獄序位在三路轉運副使之

上三年閏四月二日禮部奏據沂州州學教授宣德

郎徐彙狀依條諸州學教授序位承務郎以上在簽判

之上未審知縣如何序官辟靡勘當若教授係選人合

在選人知縣之上如係承務郎以上即合在承務郎以

上知縣之上從之九月二十二日保靜軍節度觀察

留後提舉龍德宮直睿思殿楊戩奏朝廷肇新直殿之

職其繫銜等次序安敢有議若止以帶職非帶職正任

轉官先後為次伏恐未稱朝廷肇新直殿職任之意伏

望詳酌立法施行詔帶直睿思殿人繫銜序位等在不  
帶職人之上 二十三日詔朝請郎殿中監高伸立班  
并諸般恩數並依龍圖閣學士例 十一月二十二日  
詔皇太子慶會上壽押百僚班 四年六月八日詔殿  
前都指揮使在節度使之上副都指揮使在正任觀察  
留後之上馬步軍都指揮使副都指揮使在正任觀察  
使之上殿前馬步軍都虞候在正任防禦使之上捧日  
天武四廂都指揮使龍神衛四廂都指揮使在正任團  
練使之上 八月三日詔改端明殿學士為延康殿學  
士樞密直學士為述古殿直學士恩數品秩並依舊  
五年四月二十四日詔宣和殿初建自紹聖中經毀廢

其燕間未始不居於此近置直殿以左右近侍官典領  
吾士大夫有以處之宜置新班以彰榮近以承其傳可  
置宣和殿學士班在延康殿之下以兩制充聽旨除授  
一凡厥恩數並依延康殿學士體例施行 九月十九日  
詔皇太子遇天寧節赴垂拱殿上壽於親王前別為一  
班 六年四月二十日詔宣和殿學士立班叙位在翰  
林學士之下諸殿學士之上 五月七日比部員外郎  
梅如禮奏修撰直閣其品甚高乞定班著雜壓從之  
九月二十九日詔集英殿修撰雜壓在七寺少卿之上  
右文殿修撰以下遞升一等 七年八月二十五日樞  
密院言諸路廉訪使者之職 一路事無巨細皆所按刺

朝廷耳目之任寄委非輕今欲乞叙位在轉運使副判  
官提點刑獄提舉學士常平官之下內係橫行或內侍  
官帶睿思殿許與提舉弓箭官序官如保武功大夫以  
下即與提舉木機坑冶茶鹽序官無提舉弓箭手坑冶  
茶鹽官路分比類施行從之   宣和元年九月四日中

書舍人孫宗鑑等奏先奉詔曾憇孫宗鑑盧襄許翰並  
召試中書舍人欲乞依給事中傅墨卿等依元降詔除  
命先後序位從之六日詔軍器監鄧之綱已降指揮特  
視待制今後應諸朝參扈從筵宴等並綏待制班   十  
六日詔鄭居中已除少傅威武軍節度使佑神觀使充  
神霄玉清萬壽宮使進封崇國公朝堂立班在少宰之

下二年正月二日詔太中大夫將作監賈謹班綏恩  
數可視待制宣和二年二月四日詔宣和秘殿名稱已  
標紀元號所有見行帶領宣和殿職事易以保和殿為  
名應干班綏叙位雜壓恩數等並仍舊 六年十一月  
十一日領樞密院事蔡攸言乞今後押班稱賀奉觴上  
壽等並同三省長官詔攸立班序位少宰之次 七年  
二月二十七日詔諸州管轄宮觀道官官職雖高序位  
在通判之下從之 高宗建炎三年六月二十六日詔  
依祖宗朝置樞密院檢詳諸房大字序位在左右司之下  
八月七日詔劉珏令隨宰執班奏事以權同知洪  
州三省樞密院事故也 四年六月三十日詔自庶官

除侍郎依舊例帶權字若除外任差遣即除待制未及  
二年除修撰其立班雜壓並依元祐令如遇服緋綠依  
待制告謝日改賜章服七月八日詔非見任宰執到  
都堂除正一品外序坐並在見任宰執之下餘依自未  
條令十一月十六日詔樞密院幹辦官並改作計議  
官叙位在太常博士之下十二月二十七日詔招討  
使在宣撫使之下制置使之上永為定制紹興元年  
三月十三日閻門言自來職事官差權職仕高者與寄  
祿官差權人趨赴朝參立班不一欲乞今後臣僚若係  
得旨差權職仕朝參立班並權依正官議罷日依舊侍  
從官已上權職仕高者止立舊班從之既而臣僚言祖

宗舊制應在京職事官兼權他職並止立本班若便依閣門奏請即郎官以下被旨權卿監者須立卿監班卿監以下被旨權侍從者須立侍從班顯見班列之中紛然般亂遂寢不行。二年五月二十六日閣門言昨准朝旨六曹權侍郎立班叙坐並在侍郎之次依舊分東西班令權侍郎雜壓在太中大夫之上其立班合依舊在侍郎之次外所有坐次欲依雜壓從之。十一月二十一日詔修注官赴起居殿陞侍立比之餘官權職不同特令立起居郎舍人班其後侍御史謝祖信言職事官兼權他職止立本班此祖宗舊制不可輕改遂寢之。三年七月二十八日給事中黃唐傳言新除給事中詹

事中詹義在宣和間已任給事中其年德望實俱出臣右雖今除授偶在臣後若依今為序臣實不遑安望許叙位繫銜在臣之先詔依令 五年二月十七日詔尚

書右僕射兼知樞密院事進呈三省密院文字並在西壁與左僕射對展陞降並由西階如遇押班等依舊制

四月七日詔諸王宮大小學教授舊係宗子博士序位合在國子博士之上 六年二月十七日勅令所言

旨詳到知閣門事同知閣門事序位入內內侍省副都知左武大夫知閣門事右武大夫同知閣門事入內侍省押班觀察使已上除授即序官若武左大夫以上任閣門職事與職事官序位以職事為序與非職事官

及外官序位以職事階官為序從之

五月八日詔范

沖除翰林侍讀學士其班序在翰林學士之下

七年

二月九日詔新樞密使秦檜立班序依宰相例尋辭不

允二十五日詔岳飛已除太尉不候正謝令立新班

九年三月二十一日閣門言今後除權尚書立班依

權侍郎條在正尚書之次如遇常朝假日立班仍舊分

東西班如遇賜茶坐次高下依雜壓從之

七月十七

日詔廣東提舉鹽事官序位在轉運判官之下提舉市

舶官序位在提舉鹽事官之下以本路運司申明勅令

所定不當論官序合以職事為序故有是詔

九月十

五日新除給事中劉一止言奉詔劉一止馮犧並除給

事中依條同日除以寄祿官為序今馮摶係朝散大夫  
一止係朝奉即乞以官序繫銜詔劉一止係自中書舍  
人除授序位合在馮摶之上十年四月四日詔今後  
起居班三公三少帶節鉞者序班在宗室開府儀同三  
司不帶三公三少班前其外官不帶三公三少使相自  
合併入帶節鉞三公三少一班起居如無外官帶節鉞  
三公三少班其外官開府儀同三司依舊在宗室開府  
儀同三司後起居八月二十三日詔敕令所刪定官  
立班序位在樞密院編修官之下十一年二十八日  
詔樞密院編修官位在計議官之下三月八月詳定  
一司敕令所言者詳到紹興雜壓今內樞密院計議官

字下添入編修二字在官字上却於官字下添入詳定  
一司敕令所刪定官六字在陵臺令字上及於國子監  
承字下添入諸王宮大小學教授八字在大理寺直字  
上為雜壓之序從之 四月二十五日叅知政事王次  
翁言近例王庶任樞密副使叙位在叅知政事之下今  
岳飛階官係少保與王庶事體不同詔叙位在岳飛之  
下 十二年二月二十八日詔普安郡王出外弟赴朝  
叅起居等並立本官班 十三年四月二十九日詔宰  
執四叅官赴垂拱殿習看石位 十四年十二月十八  
日詔皇太后皇后宅教授敘位班次並依諸王宮教授  
二十六日詔今後遇人使在庭曾借官臣僚並依舊

例立借官班   十五年十月二十七日詔恭僖已除資政殿學士係提舉萬壽觀經筵侍讀官立班坐次級恭政一行既而父太師尚書左僕射檜請辭改立簽書樞密院事之下   十八年四月十五日詔恭僖已除觀文殿學士立班令在右僕射之次   二十年二月三十日閭門言今後遇人使在庭不係侍從官曾經借官人免赴起居立班如見差充接送伴者依借官所服立班赴坐從之   三月十九日詔今後帶御器械官遇合班處橫行令立班在本官之上餘官在橫行之次   二十五年十二月二十五日詔金國賀正旦人使到闕為闕卒臣依舊例權移少傳信安郡王孟宗厚東壁押班

十七年四月二日詔選人任刪定官雜壓在太學博士  
之下以侍御史周方崇言雜壓令刪定官在著作佐郎  
國子監丞之上既而改官除監檢鼓院等差遣則序位  
反在著作佐郎等之下乞重修立別為一等吏部看詳  
故有是詔 二十九年五月二十三日詔今後使人到  
闕伴射官自入使朝見日權令綏馬步軍管軍班侍立  
侍立 六月二十六日詔今後遇有任節度使充主管  
馬步軍司公事者令序官陞壓承宣使以下照舊例起  
居侍立 國朝未有節度使主管馬步司時以趙睿除太  
尉充馬帥今押本班稍前立故有是詔 三十年三月  
四日宰執進呈吏部檢照職制令諸王開府儀同三司

立班叙位在左右僕射同中書門下平章事之下知樞  
密院事之上間門言親王赴垂拱殿後殿起居合於宰  
執大班後入遇今班處即立西班與宰臣相對遇景靈  
宮行香即合押宗室班宰臣湯思退奏曰雖著令諸王  
在左右僕射之下伏覩太宗朝除元佐等諸王宰臣宋  
琪奏請乞班楚王元佐等下臣等欲依故事上表上宣  
諭曰祖宗典故親王在左右僕射下舊矣卿等不必有  
請今建王立班序位並依所定先是有詔皇子已除開  
府儀同三司進封建王其序位立班令有司檢具條例  
至是吏部閤門具上宰執進呈故有此宣諭十月一  
日詔文武臣合班處遇親王使相立西班令樞密院官

權綴東班如遇親王使相請假之類樞密院官却依舊  
立西班 紹興三十二年九月一日孝宗即位未改元閣門言  
奉旨檢具皇子鄧王憲慶王愷恭王惇序位立班幕次  
條例以聞依儀制親王遇合班處及景靈宮行香立班  
合押宗室班如麗正及和寧門外待漏垂拱殿門外內  
及後殿門外侍班景靈宮行香門外待漏殿門外侍班  
其閭子並合在西壁與宰臣閭子相對或無設置去處  
即權設於宰臣閭子之次從之 孝宗隆興元年正月  
二十五日安慶軍節度使同知大宗正事士箋言宗司  
行移自來以官序高下列衛故臣序位在臣兄同知大  
宗正事令誤之上乞依士箋推避令晰體例許臣列衛

在令詔之下庶幾協尊卑之序從之 乾道元年六月  
二十七日檢校少保安慶軍節度使同知大宗正事士  
錢又言乞援前例許臣列衛在臣兄士銖之下從之

九月二十二日閻門言今未除環衛官係兼帶即與正  
環衛官不同兼已降指揮照御帶體例施行其環衛官  
五等班次亦合分別今條具如後一副使帶中郎將以  
下起居奏萬福與副使帶御器械序官並在上將軍大  
將軍諸衛將軍橫行并正使帶御器械官之後重行立  
在寄班祇候之前別行立班一五等環衛官立班依官  
序在本等官之上在帶軍職官之次正使御帶及諸將  
軍遇合班處依官序在橫行之次差後立如御帶環衛

卷之二  
官階官遙郎一同即御帶在環衛官之上一副使帶御器械官并中郎將以下遇合班處在橫行御帶環衛官後重行依官序一行立如係小使臣帶左右郎將即在副使中郎將之後重行立中郎將遇後殿於東朵殿侍立從之二年十月十三日詔金國人使到闕見辭上壽大宴魏杞權攝尚書右僕射立班定次並依權攝官制三年正月二十一日吏刑部言近承指揮首詳修立紹興職制雜壓條令照得樞密使依紹興十二年指揮在宰相之下知樞密院之上緣雜壓條令宰相之下又有王及開府儀同三司其元降指揮即無明文兼又無樞密副使一節契勘樞密使立班係在知樞密院事

之上樞密副使係在同知樞密院事之次欲將樞密使  
雜壓在王之下開府儀同三司之上樞密副使在同知  
樞密院事之下修立從之 四月十四日詔閣門見今

條令宗室序位官同者以尊卑為次今後外官如係本  
宗官職同者並依宗室尊卑條法 五年七月二日詔  
虞允文已除樞密使立班恩數並依宰臣 十月十四  
日詔今後使相遇立班坐次與親王一行 六年五月  
二十八日常德軍承宣使同知大宗正事士銖言據定  
武軍承宣使安定郡王令德言乞立班在臣之下尚書  
省具條宗室序位官同以尊卑為序卑幼官高願在下  
者聽劄令德照會臣年齒雖長其令德係是襲封郡王

於臣分守有所未安乞止依官序令臣立班在令德之下詔依令德所乞八月二十五日敕令所者詳到帶御器械立班在樞密院檢詳諸房文字之下中郎將在副使之上左右郎將在奉議郎之上從之九月十四日中書門下省言已降指揮帶御器械立班在樞密院檢詳諸房文字之下其雜壓叙位亦合一體詔帶器械雜壓叙位在樞密院檢詳諸房文字之下遇合班處依閣門元降指揮立班元降指揮帶御器械合班處橫行立班在本官之上餘官橫行之次也七年二月十六日詔魏王愷出鎮置長史司馬各一人序位依兩省官奉使法記室參軍事二人序位在諸州通判之上按職

制令兩省官奉使在發運監司之上與發運監司路分  
總管知州太中大夫觀察使以上叙官臨安府判官準  
此

三月二十六日詔太子賓客詹事立班座次等依

雜壓次序在給事中之上遇日參令立東班既而御史  
臺言遇大朝會聖節上壽并朔望四參拜表及忌辰行

香等乞令太子賓客詹事立班在臺官班東與六曹侍  
郎一行立遇宣麻立班日在侍郎班之次其趨朝行馬  
次序雜壓令在給事中之上從之

五月十二日宰執

進呈除臨安府少尹以下官上曰判官與長史位序何  
如宰臣虞允文等奏曰臨安除從臣為少尹高長史一  
等則判官與長史雖均無嫌也上曰但與寧國府有差

則善矣於是詔皇太子領臨安府尹少尹已差侍從官  
所有判官序位依兩省官奉使法推官序位在諸州之  
上任滿日仍理為知州一任既而臨安府言本府推官  
已降指揮位序在諸州知州之上今來朝參等班次欲  
乞依開封府推官雜壓條例從之 六月十二日詔今  
後馬步軍帥前後殿起居於本班前立侍立賜茶依官  
序以主管馬軍司公事李顯忠時復太尉乞依楊存中  
恩例閭門為申請故也 十二月二十六日詔職制令  
雜壓內翰林侍讀學士刪去承宣使改在給事中之下  
步軍都指揮使在馬軍都指揮使之下延福宮使在協  
忠大夫之下景福殿使在知閭門之下帶御器械在侍

御史之下令勅令所依此修立